

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2022/61, 13.04.2022թ.

Բողոք բերող անձ՝ «ՓՈՒՇԸՆԴՓՈՒԼԼ» ՍՊԸ

Պատվիրատու՝ ՀՀ ոստիկանություն

Գնման ընթացակարգի ծածկագիրը՝ ՀՀ Ո ԳՀԾՁԲ-ՍՏՈՒԳՈՒՄ/2022/Հ-40

Գնման առարկան՝ տեխնիկական ստուգման ծառայությունների ձեռքբերում

Բողոքի պահանջը՝ պարտավորեցնել «ՀՀ Ո ԳՀԾՁԲ-ՍՏՈՒԳՈՒՄ/2022/Հ-40»

ծածկագրերով գնման ընթացակարգի գնահատող հանձնաժողովին չեղյալ համարել

«ՓՈՒՇԸՆԴՓՈՒԼԼ» ՍՊԸ-ի հայտում անհամապատասխանություն արձանագրելու, շտկում

պահանջելու, հայտը մերժելու և գնման ընթացակարգը չկայացած հայտարարելու մասին

որոշումները:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ

ՔԱՐՏՈՒՂԱՐ՝ Ֆ. ՄԱՆԳՅԱՆ

Նիստերին կարելի է առցանց հետևել <https://www.e-gov.am/gnumner/> հղումով.

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման

ընթացակարգին չմասնակցած անձը գրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁԻՆ

Հասցե՝ ք. Երևան Մելիք Ադամյան 1

«ՓՈՒՇԸՆԴՓՈՒԼԼ» ՍՊԸ

Տնօրեն՝ Վաչագան Բարսեղյան

Հասցե՝ ք. Երևան, Շահումյան 7 փողոց, ստուն 12

հեռ.+374 41133177

Էլ. հասցե՝ sales@pushandpull.am

Պատվիրատու՝ ՀՀ ոստիկանություն

Հասցե՝ ք. Երևան, Նալբանդյան 130

Գնման ընթացակարգի ծածկագիր՝ ՀՀ Ո ԳՀԾՁԲ-ՍՏՈՒԳՈՒՄ/2022/Հ-40

Գնման առարկա՝ տեխնիկական ստուգման ծառայությունների ձեռքբերում

Բ Ո Ղ Ո Ք

1. Վեճի առարկան.

ՀՀ ոստիկանությունը տեխնիկական ստուգման ծառայությունների գնման նպատակով 28.03.2022թ.-ին հրապարակել է ՀՀ Ո ԳՀԾՁԲ-ՍՏՈՒԳՈՒՄ/2022/Հ-40 ծածկագրով գնանշման հարցումը:

Գնանշման հանցմանը մասնակցության հայտ են ներկայացրել երկու ընկերություն «ՓՈՒՇԸՆԴՓՈՒԼԼ» ՍՊԸ-ն և «Այթի Էքսպերտիզա» ՍՊԸ-ն:

ՀՀ Ո ԳՀԾՁԲ-ՍՏՈՒԳՈՒՄ/2022/Հ-40 ծածկագրով ընթացակարգի հրավերի թիվ 1 հավելվածով սահմանված տեխնիկական բնութագրով սահմանվել է նաև, որ «Գնման ընթացակարգին մասնակցելու ցանկություն ունեցող մասնակիցը կամ մասնակցող կոնտրեկտումի գոնե մեկ անդամը պետք է ունենա պայմանագրով նախատեսված պարտավորությունների կատարման համար՝ մասնագիտական գործունեության համապատասխանություն պայմանագրով նախատեսված գործունեությանը, պետք է ներկայացնի հայտը ներկայացնելու տարվան նախորդող երեք տարիների ընթացքում մասնակցի կողմից պատշաճ ձևով մատուցած նմանատիպ ծառայությունների վերաբերյալ փաստաթղթեր, մասնավորապես՝ համակարգիչների, համակարգչային սարքերի տեխնիկական վիճակի և ծրագրային փաթեթների սպասարկման պայմանագրեր, ինչպես նաև ներկայացվող պայմանագրերի պատշաճ կատարումը հավաստող փաստաթղթերի պատճեններ /հանձնման-ընդունման արձանագրություն/: Պետք է ունենա համապատասխան մասնագիտական աշխատակազմ,

որը պետք է բաղկացած լինի առնվազն 3 անձից, ովքեր կունենան՝ ա/ համապատասխան մասնագիտական որակավորում /անհրաժեշտ է ներկայացնել որակավորումը հավաստող փաստաթղթեր՝ օր. դիպլոմ, վկայագիր, հավաստագիր/, բ/ առնվազն 3 տարվա համապատասխան աշխատանքային փորձ /անհրաժեշտ է նշել յուրաքանչյուր մասնագետի գործունեության ոլորտը և կատարած աշխատանքը, ժամանակահատվածը, գործատուի անվանումը/:

ՀՀ Ո ԳՀԾԶԲ-USՈՒԳՈՒՄ/2022/Հ-40 ծածկագրով գնանշման հարցման ընթացակարգի գնահատող հանձնաժողովը 07.04.2022թ. N 2-րդ արձանագրությամբ նշել է, որ «ՓՈՒՇԸՆԴՓՈՒԼԼ» ՍՊԸ-ի կողմից ընդհանրապես չի ներկայացվել նախորդ տարիներին կատարված նմանատիպ ծառայությունների վերաբերյալ պայմանագրեր, ինչպես նաև հրավերով պահանջվող համապատասխան աշխատակազմի վերաբերյալ փաստաթղթեր, ուստի գնահատող հանձնաժողովը որոշել է ընթացակարգի նիստը կասեցնել մեկ աշխատանքային օրով և «ՓՈՒՇԸՆԴՓՈՒԼԼ» ՍՊԸ-ին առաջարկել կատարել արձանագրված անհամապատասխանությունների շտկում:

ՀՀ Ո ԳՀԾԶԲ-USՈՒԳՈՒՄ/2022/Հ-40 ծածկագրով գնանշման հարցման ընթացակարգի գնահատող հանձնաժողովը 11.04.2022թ. N 3-րդ արձանագրությամբ նշել է, որ ընկերությունը սահմանված ժամկետում շտկում չի կատարել:

www.gnumner.am կայքում հրապարակվել է ՀՀ ԿԱ ոստիկանություն կարիքների համար ՀՀ Ո ԳՀԾԶԲ-USՈՒԳՈՒՄ/2022/Հ-40 ծածկագրով գնման ընթացակարգը չկայացած հայտարարելու մասին հայտարարություն:

2. Բողոքի փաստացի և իրավական հիմքերը.

«Գնումների մասին» ՀՀ օրենքի 3-րդ հոդվածի 2-րդ մասի համաձայն՝ գնումների գործընթացը հիմնվում է հետևյալ սկզբունքների վրա.

- 1) գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպում.
- 2) պայմանագրի կնքման նպատակով մասնակիցների շրջանակի ընդլայնում և նրանց միջև մրցակցության խրախուսում.
- 3) ցանկացած անձի համար, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, գնման գործընթացին մասնակցելու իրավահավասարություն:

Գնումների մասին ՀՀ Օրենքի 34 հոդվածի 1 մասին համաձայն՝ Հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են:

ՀՀ կառավարության 04.05.2017 թվականի թիվ 526-Ն որոշման հավելված 1-ով հաստատված գնումների գործընթացի կազմակերպման կարգի 41-րդ կետի համաձայն՝ Եթե հայտերի բացման և գնահատման նիստի ընթացքում իրականացված գնահատման արդյունքում մասնակցի հայտում արձանագրվում են անհամապատասխանություններ՝ հրավերի պահանջների նկատմամբ ներառյալ այն դեպքերը, երբ հայտում ներառված՝ Հայաստանի Հանրապետության ռեզիդենտ հանդիսացող մասնակցի կողմից հաստատված փաստաթղթերը կամ դրանց մի մասը հաստատված չեն էլեկտրոնային թվային ստորագրությամբ, ապա հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով ծանուցում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը: Եթե անհամապատասխանությունն արձանագրվել է ՀՀ պետական եկամուտների կոմիտեից ստացված տեղեկատվության հիման վրա, ապա մասնակցին ուղարկվող ծանուցմանը կցվում է նաև կոմիտեից ստացված տեղեկատվության բնօրինակից սկանավորված տարբերակը: Մասնակցին ուղարկվող ծանուցման մեջ մանրամասն նկարագրվում են հայտնաբերված անհամապատասխանությունները:

Սույն պարագայում, կարելի է արձանագրել, որ գնման ընթացակարգի գնաստող հանձնաժողովը N 2 արձանագրությամբ «ՓՈՒՇՇՆԴՓՈՒԼԼ» ՍՊԸ-ի հայտում արձանագրելով անհամապատասխանություն, այն պատճառաբանությամբ, որ ընկերությունը չի ներկայացրել հրավերի տեխնիկական բնութագրով, ըստ էության խտրական, պահանջված փաստաթղթերը, թույլ է տվել կոպիտ սխալ, քանի որ սույն դեպքում ընկերությունից հանձնաժողովը կարող է շտկում պահանջել միայն այդ դեպքում, երբ որ անհամապատասխանությունը արձանագրվեր հրավերի պահանջների նկատմամբ, այսինքն ընկերությունը որևէ կերպով կստանձներ հանձնաժողովին ներկայացնելու տեխնիկական բնութագրով սահմանված տեղեկատվությունը, ինչը այս դեպքում բացակայում է:

Բացի դա, կարելի է նշել նաև, որ ՀՀ կառավարության 04.05.2017 թվականի թիվ 526-Ն որոշման հավելված 1-ով հաստատված գնումների գործընթացի կազմակերպման կարգով ուժը կորցրած է ճանաչվել որակավորման չափանիշներ պարունակող կետերը, որոնց փոխարինման է եկել որակավորման սպահովման դրույթները; Այսինքն ընկերությունը որպես իր որակավորման չափանիշ ներկայացնում է որակավորման սպահովում: Այսինքն գործադիրը որոշել է այլևս չկիրառել որակավորման չափանիշները փոխարինելով դրանք այլով: Սակայն Պատվիրատուն կարշեւ թե հաշվի չի առել այդ հանգամանքը:

Ցանկանում ենք նաև նշել, թե ինչու ընկերությունը չի շտկել հանձնաժողովի կողմից արձանագրված անհամապատասխանությունը. քանի որ պատրաստվում էին վիճարկել ընկերությունից շտկում պահանջելու մասին որոշումը: Այսինքն այս դեպքում եթե վերացվի շտկում պահանջելու մասին որոշումը, օրենքի ուժի կվերանա նաև ընկերության հայտը մերժելու և գնման ընթացակարգը չկայացած հայտարարելու մասին որոշումները:

3. Բողոքի պահանջը.

Ընկերությունը, ղեկավարվելով Գնումների մասի ՀՀ օրենքի 50 հոդվածի 7 մասով՝ գնումների հետ կապված բողոքներ քննող անձին խնդրում է՝

Պարտավորեցնել ՀՀ Ո ԳՀԾՁԲ-ՍՏՈՒԳՈՒՄ/2022/Հ-40 ծածկագրով գնանշման հարցման ընթացակարգի գնահատող հանձնաժողովին չեղյալ համարել «ՓՈՒՇԸՆԴՓՈՒԼԼ» ՍՊԸ-ի հայտում անհամապատասխանություն արձանագրելու, շտկում պահանջելու, հայտը մերժելու և գնման ընթացակարգը չկայացած հայտարարելու մասին որոշումները:

Կից ներկայացվում է.

1. Բողոքի ներկայացման համար նախատեսված վճարման անդորրագրի պատճենը:
2. Ընկերության տնօրենի անձը հաստատող փաստաթղթի պատճենը:
3. ՀՀ Ո ԳՀԾՁԲ-ՍՏՈՒԳՈՒՄ/2022/Հ-40 ծածկագրով գնանշման հարցման ընթացակարգի գնահատող հանձնաժողովի արձանագրությունների պատճենները:

«ՓՈՒՇԸՆԴՓՈՒԼԼ» ՍՊԸ

տնօրեն՝

Վաչագան Բարսեղյան

Digitally signed by
BARSEGHYAN VACHAGAN
3810920703
Date: 2022.04.13
16:20:32 AMT